

سِرِّ اسرار

اتبعون اهدكم سبيل الرشاد

والله يهدي من يشاء الى صراط مستقيم ديني ، علمي ، ادبي ، سياسي هفتعلق مجموعة اسلاميه در

صاحب و مدير مسئول : ح . اشرف اديب

بو محلك منظره سی غایت لطیف اولقله برابر صوبی ده پاك مبذول ایش .
هند ایدر ملربنك اعانه سی . - هندی سید امیر علی حضرت تبرینك اثر
همتی اولان طرابلس غربده کی انکلیزه لال جمعیتی ایچون هندستان اغنیوا اهالی
مسلمه سی طرفندن ویریلن اعانه جموعی بش بیک یوزا تووز درت انکلیز لیراسیله
اون اوچ شیلنه بالغ اولمشدر .

فاس :

فاس احوالی کیتدیجه فنا رنگ کسب ایدیور . فرانسلر پیدرپی مراکشه
عسکر وارذاق ایله مهمات سوق واعزام ایلورلر . انکلتزه مطبوعاتنك
نشریاتنه باقیلیرسه ایوم فاسده اللی بیک فرانسز عسکری بولمقده در . بونکله
برابر فرانسلر هیچ برخاری صایله جق موقیت احراز ایتمشدر .
تبعه اجنیه به تابع اولان اوروپالیر قورقو ومسکنتلرندن هپ کندی
قونسولتورینه التجا ایلشدر .

فرانسه جنرالرندن مراکشه صورت فوق العاده صلاحیت نامه ایله
کوندریلن جنرال لیوقه ی پوصله بی شاشیرمش ونه پایه جغه دائر حبران قالمش .
مولای حفیظی قاجیر مامق ایچون آنی محافظه ایدن فرانسز لک مقصدی آنک
نفوذ موهومی سایه سنده ایش کورمکدر . حالبوکه بالعموم فاس قبائل
مشارالهی خائن وطن تلقی ایتدکلرندن آکا هیچ برحرمت وعلاقه لری قانامشدر .
دائمی صورتده فرانسز عسا کرینه قارشو سل سیف جهاد ایدن فاس
قبائل اسلامیه سی مان هر طرفی صاره رق فرانسز لری پک فنا صورتده
دوشوندر مکده درلر .

فاسلیرک مقصدی مولای حفیظی خاع ایتدکلن سوکره ، عن اصل مکه
شرفاسندن اولوب مدت مدیده دن برو فاسده نشر انوار علم ومعرفت ایدن
عابد ، زاهد (سید عباده) ی فاس سلطانلغنه انتخاب واجلاس ایتدکر .
فرانسه حکومتی فرانسه مطبوعاته اجرا ایتدیکی رسمی بر تبلیغنامه
موجبجه فاسده کی فرانسز عسا کرینك موقیتسز لکنندن بر شی یازماملری
لروی توصیه اولمشدر . لکن مراکشده بولنان انکلیز مطبوعاتی مخابر لری
بوکا حواله سمع اعتبار ایتدکر کوردکلری وایشتدکلری حقایق منسوب
اولدکلری غرتله بیلدیر یورلر .

تایمس غرته سنك بو باده یازدینی بر باش مقاله ده ، فرانسه حکومتك
نظردقنی جلب ایدره کمال اهمیت وشدتله منازعاته نهایت ویرمک ایچون
ایجاب ایدن تدابیر سریعة مؤثره نك اتخاذینی توصیه ایتددر .

تَفْقِیدُ وَ تَقْرِیضُ

مدنیت اسلامیه تاریخك خطاری

مابعد

ابن زناد « مدینه ده یدی فقیه واردر . بریسی عبدالملکدر . »
دیردی . امام شعبی ایسه « عبدالملک بن مروان دن بشقه کیمکله
کوروشدم ایسه کنیدی اوکا فائق بولدم . » دیمشدی . بو سوزلرک
هپسنی علامه سیوطی تاریخ الخلفاسنده ذکر ایدیور . ایشته
قرآن او قودینی بر صرده کندیسنه خلافتی خبر ویریلان عبدالملک
ایشك اهمیت عظیمه سنی دوشوندی ؛ بو قدر آغیر بر یوکک بشقه
ایشلردن ال چکیلمدکجه قالدیر یله میه جغنی آکلادی ده کمال تحسرندن
النده کی قرآنه خطاباً « بو سنکله صوک صحبتمزدر . » دیدی .
یعنی شمدی به قدر او لدینی کی آرتق بوندن بویله ده صرف ، عبادتله ،
تلاوت قرآن ایله مشغول اولمق قابل اوله میه جغنی سویلدی . کوریلدیورکه

بو سوز مطلقا دینی تحقیر یولنده سویلنمش دکلددر . ذاتاً خلافتدن
صکرده عبدالملکک فرائض ایله ، سنن ایله اشتغالی کوریلور . اوت ،
نماز قیلیور ، اوروج طوتیور ، حجه کیدیور . یعقوبی تاریخنده
دیورکه : ۷۲ ، ۷۳ ، ۷۴ سنه لرنده حجازه حجاجی کوندردی . (۷۵) ده
عبدالملک کنیدیسی کیتدی . ۷۶ ، ۷۷ ، ۷۸ ، ۷۹ ، ۸۰ سنه لرنده
حضرت عثمانك اوغلی ابانی کوندردی . کعبه به قماش اکسا ایدن ینه
عبدالملکدر . پک اعلا ، بونلر حرم شریفی تحقیر ایتمک ایسته ین بر
آدمک کاریمیدر ؟

مؤلف دیورکه : « ابن زبیرك باشی کعبه نك ایچنده کندی ایله کسدی »
جلد ۴ صفحه ۷۹

مؤلف بو روایتی « العقد الفرید » دن الیور . ذاتاً بو کی
وقعه لرده بو کی آثار ایله استشهاد ، کندیسنك معتادی اولان حیللردن
بریدر . بیلورسکزرکه ابن زبیرك قتلی حادثه سی طبری ، ابن الاثیر کی
سویلدیکنه اعتماد اولنور ، بوتون مورخلرجه مأخذ طانیلور کتب
تاریخیه نك کافه سننده مذکوردر . لکن وقعه بو کتابلرده مؤلفك
ایستدیکی طرزده تصویر ایدلمش اولمدینی ایچون هیچ بریسنی قاله
آلمه رق محاضرات صنفندن بر کتابه صاریلدیورکه بو کی کتابلره اله
بشقه بر مأخذ بولنماز ، اصوله ده مخالف دوشمزسه مراجعت
ایدیلدیور . ایشته کرک طبریده ، کرک دیکر معتبر تاریخلرده مصرح
اولدینی وجهله ابن زبیر حجونده ارباب طغیاندن بریسی طرفندن
اولدیرلمشدر ، یوقسه باشی کعبه ده کسلمش دکلددر .

مؤلف دیورکه : « کعبه نی بیقیدیلر . »

یوقاروده سویلدک که کعبه حجاجك هدنی دکلدی . حجاج مانجینقلری
ابن زبیرك علاوه ایتمش اولدینی قسمه چویرمش ؛ بوعلاوه ایسه اصل
کعبه به متصل اولدینی ایچون آتیلان طاشلردن بر قسمی ده کعبه به اصابت
ایتمش ایدی . حجاج قتالی بیتیردکن سوکره ایلک امرینی مسجد حرامی
طاشلردن ، قانلردن تمیزله مک ایچون ویردی . ابن الاثیر بونی صراحة
سویلیور . پک اعلا ، مسجد حرامی سیلدیروب سوپورتک ایله کعبه نی
بیقیمق عینی شیمیدر ؟

ولیدک کفرینه ، مصحفی اوقله نشان آلوب پارچه پارچه ایتدیکنه ،
سوکره :

أتوعد کل جبار عنید ؟ فها أنا ذاك جبار عنید !

اذا لاقت ربك يوم حشر ، فقل لله من قتی الولید .

بیتلرینی سویله سنه کلنجه ، مؤلف بو روایتی اغانیدن آلییور .
وقعه اغانی خرافاتنددر . معلومدرکه اغانی صاحبی شیعی در . امویله
بغض ایتمی ، اونلری کوچوک دوشورمه نی کندیسنه دین آنخاذا ایدر .
بیتلرک اوزرنده ایسه تولید دامغاسی کوزوکوب طور ییور . ادبیات
ایله آزیجق مناسبتی اولانلر شو اسلوب نظمك اصلا اسکیره عاند
اولیوب مولدین مالی اولدیغنی قولایجه آکلارلر . (مابعدی وار)

مطبعة احمد احسان وشركاسی
مدیر مسئول : اشرف ارباب